

十三經註

0仁12
479
51





門 日 12  
疏  
卷

波  
21  
51

東  
學

春秋左傳註卷第三十 襄五年 盡九年

晉 杜 預

所錢支  
有物那  
註

經五年春公至自晉

夏鄭伯使公子發來聘

發子產父

叔孫豹鄆世子巫如晉

此魯大夫故書巫如晉

叔孫蔑衛孫林父會吳于善道

春秋左傳 卷三十 襄公 一

稽古樓



魯衛俱受命于晉故不言及吳先在善道  
二大夫往會之故曰會吳善道地闕

秋大雩

楚殺其大夫公子壬夫

書名罪其貪

公會晉侯宋公陳侯衛侯鄭伯曹伯莒子邾  
子滕子薛伯齊世子光吳人鄆人于戚

穆叔使鄆人聽命於會故鄆見經不復殊

吳者吳來會于戚

公至自會

無傳

冬戍陳

諸侯在戚會皆受命戍陳各還國遣戍不  
復有告命故獨書魯戍

楚公子貞帥師伐陳公會晉侯宋公衛侯鄭  
伯曹伯齊世子光救陳十有二月公至自救

春秋左傳

卷三十一

襄公

二

稽古樓



陳

無傳

辛未季孫行父卒

傳五年春公至自晉

公在晉既聽屬鄆聞其見我遙命臧紇出救故傳稱經公至以明之

王使王叔陳生愬戎于晉晉人執之士魴如

京師言王叔之貳于戎也

愬悉路反

王叔周卿士也戎陵越周室故告愬于盟主王叔反有二心于戎失奉使之義故晉執之

夏鄭子國來聘通嗣君也

鄭僖公初即位

穆叔覲鄆大子于晉以成屬鄆書曰叔孫豹

鄆大子巫如晉言比諸魯大夫也

覲直歷反

覲見也前年請屬鄆故將鄆大子巫如晉

春秋左傳

卷三十

襄公

三

稽古樓



以成之豹與巫俱受命於魯故經不書及  
比之魯大夫

吳子使壽越如晉辭不會于雞澤之故且請  
聽諸侯之好晉人將爲之合諸侯使魯衛先  
會吳且告會期故孟獻子孫文子會吳于善  
道

壽越吳大夫三年會雞澤吳不至今來謝  
之且更請會晉使先會吳以其道遠故使

魯衛先告期獻文二子皆受晉命而行一

### 秋大雩旱也

雩夏祭所以祈甘雨若旱則又修其禮故  
雖秋雩非書過也然經與過雩同文是以  
傳每釋之曰旱也雩而獲雨故書雩而不  
書旱

楚人討陳叛故曰由令尹子辛實侵欲焉乃  
殺之書曰楚殺其大夫公子壬夫貪也君子

春秋左傳卷二十一 襄公 四 晉古婁



謂楚共王於是不刑詩曰周道挺挺我心局局講事不令集人來定已則無信而殺人以逞不亦難乎夏書曰成允成功共音恭挺他頂反局工迤

討治也陳之叛楚罪在子辛共王既不能素明法教陳叛之日又不能嚴斷威刑以謝小國而擁其罪人興兵致討加禮於陳而陳恨彌篤乃怨而歸罪子辛子辛之貪

雖足以取死然共王用刑為失其節故言不刑詩逸詩也挺挺正直也局局明察也講謀也言謀事不善當聚致賢人以定之共王伐宋封魚石背盟敗于鄆陵殺子反公子申及壬夫八年之中戮殺二卿欲以屬諸侯故君子以為不可夏書亦逸書也允信也言信成然後有成功

九月丙午盟于戚會吳且命戍陳也穆叔以



春秋  
屬鄆爲不利使鄆大夫聽命于會

和古樓

公及其會而不書盟非公後會蓋不以盟告廟穆叔使鄆聽命于會鄆近魯竟故欲以爲屬國既而與莒有忿魯不能救恐致譴責故復乞還之傳言鄆人所以見於戚會

楚子囊爲令尹范宣子曰我喪陳矣楚人討貳而立子囊必改行而疾討陳陳近於楚民

朝夕急能無往乎有陳非吾事也無之而後可冬諸侯成陳子囊伐陳十一月甲午會于

城棣以救之

囊乃郟反棣力計反

子囊公子貞改行謂改子辛所行疾急也無之而可言晉力不能及陳故七年陳侯逃歸備楚會城棣以救陳公及救陳而不及會故不書城棣城棣鄭地陳留酸棗縣西南有棣城

春秋左傳

卷三十

襄公

六

稽古樓



春秋

卷三十

季文子卒大夫入斂公在位宰庀家器為葬  
備無衣帛之妾無食粟之馬無藏金玉無重  
器備君子是以知季文子之忠於公室也相  
三君矣而無私積可不謂忠乎庀匹婢反  
積子賜反  
公在位在阼階西鄉庀具也器備謂珍寶

甲兵之物

經六年春王三月壬午杞伯姑容卒  
夏宋華弱來奔

華椒孫

秋葬杞桓公

無傳

滕子來朝

莒人滅鄆

冬叔孫豹如邾

季孫宿如晉

行父之子

春秋左傳

卷三十

襄公

七

稽古樓



春秋  
十有二月齊侯滅萊

書十二月從告

傳六年春杞桓公卒始赴以名同盟故也

杞入春秋未嘗書名桓公三與成同盟故赴以名

宋華弱與樂轡少相狎長相優又相謗也子蕩怒以弓楛華弱于朝平公見之曰司武而楛於朝難以勝矣遂逐之夏宋華弱來奔司

城子罕曰同罪異罰非刑也專戮於朝罪孰

大焉亦逐子蕩射子罕之門曰幾日而

不我從子罕善之如初楛古毒反射食亦反幾居豈反

狎親習也優調戲也子蕩樂轡也張弓以

貫其頸若械之在手故曰楛司武司馬言

其懦弱不足以勝敵幾日不我從言我射

女門女亦當以不勝任見逐善之如初言

子罕雖見辱不追忿所以得安

春秋左傳卷三十 襄公 八 嘗古婁



春秋

卷三十

秋滕成公來朝始朝公也

莒人滅鄆鄆恃賂也

鄆有貢賦之賂在魯恃之而慢莒故滅之

冬穆叔如邾聘且修平

平四年狐駘戰

晉人以鄆故來討曰何故亡鄆季武子如晉見且聽命

以鄆故來討謂鄆屬魯恃賂而慢莒魯不

致力輔助無何以還晉尋便見滅故晉責

魯武子始代父為卿見大國且謝亡鄆聽

命受罪

十一月齊侯滅萊萊恃謀也於鄭子國之來

聘也四月晏弱城東陽而遂圍萊甲寅堙之

環城傅於堞及杞桓公卒之月乙未王湫帥

師及正輿子棠人軍齊師齊師大敗之丁未

入萊萊共公浮柔奔棠正輿子王湫奔莒莒

春秋左傳

卷三十

襄公

九

晉古婁



人殺之四月陳無宇獻萊宗器于襄宮晏弱

圍棠十一月丙辰而滅之遷萊于郕高厚崔

杼定其田

堙音因傳音附堙音際湫子小反共音恭郕五兮反

賂反沙衛之謀也事在二年子國聘在五

年二年晏弱城東陽至五年四月復託治

城因遂圍萊堞女牆也堙土山也周城為

土山及女牆桓公卒此年三月王湫故齊

人成十八年奔萊正輿子萊大夫棠萊邑

也北海即墨縣有棠鄉三人帥別邑兵來

解圍大敗之敗湫等無宇桓子陳桓立孫

襄宮齊襄公廟遷于郕遷萊子于郕國定

其田謂定其疆界高厚高固子

經七年春郟子來朝

郟音談

夏四月三卜郊不從乃免牲

稱牲既卜日也卜郊又非禮也

小邾子來朝

春秋左傳

卷三十

襄公

十

曾子



春秋

城費費音秘

利

南遺假事難而城之

秋季孫宿如衛

八月螽

無傳為災故書

冬十月衛侯使孫林父來聘于戌及孫林父

盟

楚公子貞帥師圍陳

十有二月公會晉侯宋公陳侯衛侯曹伯莒

子邾子于鄆鄆于軌反

謀救陳陳侯逃歸不成救故不書救也鄆

鄭地

鄭伯髡頑如會未見諸侯丙戌卒于鄆鄆七報反

實為子駟所弑以瘡疾赴故不書弑稱名

為書卒同盟故也如會會于鄆也未見諸

侯未至會所而死鄆鄭地不欲再稱鄭伯

春秋左傳

卷三十

襄公

十一

舊古樓



春秋  
故約文書其名於會上

陳侯逃歸

畏楚逃晉而歸

傳七年春郊子來朝始朝公也

夏四月三卜郊不從乃免牲孟獻子曰吾乃  
今而後知有卜筮夫郊祀后稷以祈農事也  
是故啓蟄而郊郊而後耕今既耕而卜郊宜  
其不從也蟄直立反

郊祀后稷以配天后稷周始祖能播殖者

啓蟄夏正建寅之月所謂春分

南遺為費宰叔仲昭伯為隧正欲善季氏而  
求媚於南遺謂遺請城費吾多與而役故季

氏城費隧音遂

費季氏邑隧正主役徒昭伯叔仲惠伯之  
孫欲善季氏使遺請城費傳言祿去公室  
季氏所以強



小邾穆公來朝亦始朝公也

亦邾子也

秋季武子如衛報子叔之聘且辭緩報非貳也

子叔聘在元年言國家多難故不時報

冬十月晉韓獻子告老公族穆子有廢疾將立之辭曰詩曰豈不夙夜謂行多露又曰弗躬弗親庶民弗信無忌不才讓其可乎請立

起也與田蘇游而曰好仁詩曰靖共爾位好是正直神之聽之介爾景福恤民為德正直為正正曲為直參和為仁如是則神聽之介福降之立之不亦可乎庚戌使宣子朝遂老晉侯謂韓無忌仁使掌公族大夫

穆子韓厥長子成十八年為公族大夫將

立代厥為卿詩言雖欲早夜而行懼多露

之濡已義取非禮不可妄行詩小雅言譏



在位者不躬親政事則庶民不奉信其命  
言己有疾不能躬親政事無忌穆子名起  
無忌弟宣子也田蘇晉賢人蘇言起好仁  
靖安也介助也景大也詩小雅言君子當  
思不出其位求正直之人與之並立如是  
則神明順之致大福也恤民爲德靖共其  
位所以恤民正直正己心正曲正人曲參  
和爲仁德正直三者備乃爲仁立之亦可

言起有此三德故可立老韓厥致仕使掌

公族大夫謂爲之師長

衛孫文子來聘且拜武子之言而尋孫桓子  
之盟公登亦登叔孫穆子相趨進曰諸侯之  
會寡君未嘗後衛君今吾子不後寡君寡君  
未知所過吾子其少安孫子無辭亦無悛容  
穆叔曰孫子必亡爲臣而君過而不悛亡之  
本也詩曰退食自公委蛇委蛇謂從者也衡



而委蛇必折

悛七全反委於危反蛇以支反

文子來聘緩報非貳之言桓子之盟在成

三年公登亦登不知禮登階臣後君一等

未後衛君謂敵體並登安徐也悛改也委

蛇順貌詩召南言人臣自公門人私門無

不順禮從謂順行衡橫也橫不順道必毀

折為十四年林父逐君起本

楚子囊圍陳會于鄒以救之

晉會諸侯

鄭僖公之為太子也於成之十六年與子罕

適晉不禮焉又與子豐適楚亦不禮焉及其

元年朝于晉子豐欲愬諸晉而廢之子罕止

之及將會于鄒子駟相又不禮焉侍者諫不

聽又諫殺之及鄒子駟使賊夜弑僖公而以

瘞疾赴于諸侯簡公生五年奉而立之

成之十六年魯成公也子豐穆公子鄭僖

秦火左傳

卷三十

襄公

十五

晉古婁



元年魯襄三年以瘧疾赴于諸侯傳言經所以不書弑簡公僖公子

陳人患楚慶虎慶寅謂楚人曰吾使公子黃往而執之楚人從之二慶使告陳侯于會曰楚人執公子黃矣君若不來羣臣不忍社稷宗廟懼有二圖陳侯逃歸

陳人患楚楚圍陳故二慶陳執政大夫公子黃哀公弟楚人從之為執黃會鄆之會

二圖謂背君屬楚陳侯逃歸鄆會所以不

書救

經八年春王正月公如晉

夏葬鄭僖公

無傳

鄭人侵蔡獲蔡公子燮

鄭子國稱人刺其無故侵蔡以生國患燮

蔡莊公子

春秋左傳

卷三十

襄公

十六

晉古書



季孫宿會晉侯鄭伯齊人宋人衛人邾人于  
邠邱

時公在晉晉悼難勞諸侯唯使大夫聽命  
故季孫在會而公先歸

公至自晉

無傳

莒人伐我東鄙

秋九月大雩

冬楚公子貞帥師伐鄭

晉侯使士匄來聘

傳八年春公如晉朝且聽朝聘之數

晉悼復修霸業故朝而稟其多少

鄭羣公子以僖公之死也謀子駟子駟先之

夏四月庚辰辟殺子狐子熙子侯子丁孫擊

孫惡出奔衛

先悉薦反辟婢  
亦反熙許其反

左傳

卷三十

襄公

十七

晉古婁



春秋  
庚寅鄭子國子耳侵蔡獲蔡司馬公子燮鄭人皆喜唯子產不順曰小國無文德而有武功禍莫大焉楚人來討能勿從乎從之晉師必至晉楚伐鄭自今鄭國不四五年弗得寧矣子國怒之曰爾何知國有大命而有正卿童子言焉將為戮矣

鄭侵蔡欲以求媚於晉子耳子良之子不言敗唯以獲告子產子國子不順眾而喜

大命起師行軍之命

五月甲辰會于邢邱以命朝聘之數使諸侯之大夫聽命季孫宿齊高厚宋向戌衛甯殖邾大夫會之鄭伯獻捷于會故親聽命大夫不書尊晉侯也

晉難重煩諸侯故使大夫聽命獻捷獻蔡捷也尊晉侯晉悼復文襄之業制朝聘之節儉而有禮德義可尊故退諸侯大夫以



崇之

莒人伐我東鄙以疆鄙田

莒既滅鄆魯侵其西界故伐魯東鄙以正

其封疆

秋九月大雩旱也

冬楚子囊伐鄭討其侵蔡也子駟子國子耳

欲從楚子孔子矯子展欲待晉子駟曰周詩

有之曰俟河之清人壽幾何兆云詢多職競

作羅謀之多族民之多違事滋無成民急矣

姑從楚以紓吾民晉師至吾又從之敬共幣

帛以待來者小國之道也犧牲玉帛待於二

竟以待疆者而庀民焉寇不為害民不罷病

不亦可乎子展曰小所以事大信也小國無

信兵亂日至亡無日矣五會之信今將背之

雖楚救我將安用之親我無成鄙我是欲不

可從也不如待晉晉君方明四軍無闕八卿



和睦必不棄鄭楚師遼遠糧食將盡必將速歸何患焉舍之聞之杖莫如信完守以老楚杖信以待晉不亦可乎子駟曰詩云謀夫孔多是用不集發言盈庭誰敢執其咎如匪行邁謀是用不得于道請從楚駢也受其咎乃及楚平使王子伯駢告于晉曰君命敝邑修而車賦倣而司徒以討亂略蔡人不從敝邑之人不敢寧處悉索敝賦以討于蔡獲司馬

燮獻于邶邱今楚來討曰女何故稱兵于蔡焚我郊保馮陵我城郭敝邑之眾夫婦男女不遑啓處以相救也翦焉傾覆無所控告民死亡者非其父兄卽其子弟夫人愁痛不知所庇民知窮困而受盟于楚孤也與其二三臣不能禁止不敢不告知武子使行人子員對之曰君有楚命亦不使一介行李告于寡君而卽安于楚君之所欲也誰敢違君寡君



春秋

將帥諸侯以見于城下唯君圖之

螭居表反  
紆音舒共

音恭庇必利反罷音皮背音佩駢芳非反駢  
扶賢反女音汝馮皮冰反夫人音扶介古賀  
反

待晉求救子孔穆公子子蟜子游子子展

子罕子周詩逸詩也言人壽促而河清遲

喻晉之不可待兆卜詢謀也職主也言既

卜且謀多則競作羅網之難無成功族家

也滋益也二竟晉楚界上五會謂三年會

雞澤五年會戚又會城棣七年會鄆八年

會邾邱將安用之言失信得楚不足貴親

我謂晉親鄭鄙我是欲言楚欲以鄭為鄙

邑而反欲與成言子駟不可從四軍謂上

中下新軍也軍有二卿舍之于展名詩小

雅孔甚也集就也言人欲為政是非相亂

而不成誰執其咎言謀者多若有不善無

適受其咎匪彼也行邁謀謀于路人不

春秋左傳卷三十 襄公 三 晉古樓



得于道眾無適從駢子駟名伯駢晉大夫  
索盡也稱舉也郭外曰郊保守也馮迫也  
遑暇也啓跪也翦盡也控引也夫人猶人  
人也孤鄭伯楚命見討之命一介獨使也  
行李行人也將帥諸侯見于城下為明年

晉伐鄭傳

晉范宣子來聘且拜公之辱告將用師于鄭  
公享之宣子賦標有梅季武子曰誰敢哉今

譬於草木寡君在君君之臭味也歡以承命  
何時之有武子賦角弓賓將出武子賦彤弓  
宣子曰城濮之役我先君文公獻功于衡雍  
受彤弓于襄王以為子孫藏也先君守官  
之嗣也敢不承命君子以為知禮

雍於彤反  
藏才浪反

拜公之辱謝公此春朝標有梅詩召南標  
落也梅盛極則落詩人以興女色盛則有



衰眾士求之宜及其時宣子欲魯及時共  
討鄭取其汲汲相赴誰敢言誰敢不從命  
臭味言同類遲速無時角弓詩小雅取其  
兄弟婚姻無相遠矣彤弓天子賜有功諸  
侯之詩欲使晉君繼文之業復受彤弓於  
王城濮之役在僖二十八年爲子孫藏藏  
之以示子孫守官之嗣言已嗣其父祖爲  
先君守官不敢廢命欲匡晉君君子以爲

知禮彤弓之義義在晉君故范匄受之所  
謂知禮

經九年春宋災

天火曰災來告故書

夏季孫宿如晉

五月辛酉夫人姜氏薨

成公母

秋八月癸未葬我小君穆姜

春秋左傳

卷三十

襄公

三

魯古樓



無傳四月而葬速

冬公會晉侯宋公衛侯曹伯莒子邾子滕子  
薛伯杞伯小邾子齊世子光伐鄭十有二月  
己亥同盟于戲戲許宜反

伐鄭而書同盟則鄭受盟可知傳言十有

二月己亥以長歷推之十二月無己亥經

誤戲鄭地

楚子伐鄭

傳九年春宋災樂喜為司城以為政使伯氏  
司里火所未至徹小屋塗大屋陳畚揭具縷  
缶備水器量輕重蓄水潦積土塗巡丈城繕  
守備表火道使華臣具正徒令隧正納郊保  
奔火所使華閱討右官官庀其司向戍討左  
亦如之使樂遄庀刑器亦如之使皇郎命校  
正出馬工正出車備甲兵庀武守使西鉏吾  
庀府守令司宮巷伯徹宮二師令四鄉正敬

春秋左傳

卷二十一

襄公

十四

晉古婁



享祝宗用馬于四墉祀盤庚于西門之外晉  
侯問於士弱曰吾聞之宋災於是乎知有天  
道何故對曰古之火正或食於心或食於味  
以出內火是故味為鶉火心為大火陶唐氏  
之火正閼伯居商邱祀大火而火紀時焉相  
土因之故商主大火商人閱其禍敗之釁必  
始於火是以日知其有天道也公曰可必乎  
對曰在道國亂無象不可知也

音本指九  
錄反經古杏

反缶方九反蓄敕六反潦音老閱音悅危芳  
婢反遘市專反鄖音云校古教反鋤吾音魚  
味竹又反內音納鶉音  
純闕於葛反釁許靳反

樂喜子罕也為政卿知將有火災素戒為  
備火之政伯氏宋大夫司里宰塗大屋  
大屋難徹就塗之畚簣籠揭土輦縷汲索  
缶汲器水器盆鑿之屬量輕重計人力所  
任巡行也文度也繕治也行度守備之處  
恐因災作亂表火道火起則從其所趣標

春火左傳卷三十襄公 二十五 晉古婁



表之華臣華元子爲司徒正徒役徒也司徒之所主也隧正官名也五縣爲隧納聚郊野保守之民使隨火所起往救之華闕亦華元子代元爲右師討治也庀具也使具其官屬向戍左師樂造司寇刑器刑書皇鄭皇父充石之後校正主馬工正主車使各備其官鉏吾大宰也府六官之典司宮奄臣巷伯寺人皆掌宮內之事二師左

右師也鄉正鄉大夫享祀也祝大祝宗宗人墉城也用馬祭于四城以禳火盤庚殷王宋之遠祖城積陰之氣故祀之凡天災有幣無牲用馬祀盤庚皆非禮弱士渥濁之子莊子宋知天道何故問宋何故自知天道將災出內火謂火正之官配食於火星建辰之月鶉火星昏在南方則令民放火建戌之月大火星伏在日下夜不得見



則令民內火禁放火陶唐堯有天下號闕  
伯高辛氏之子傳曰遷闕伯於商邱主辰  
辰大火也今爲宋星然則商邱在宋地火  
紀時謂出內火時相土契孫商之祖也始  
代闕伯之後居商邱祀大火闕猶數也商  
八數所更歷恒多火災宋是殷商之後故  
知天道之災必火國亂無象言國無道則  
變亂亦殊故不可必知

夏季武子如晉報宣子之聘也

宣子聘在八年

穆姜薨於東宮始往而筮之遇艮之八三三  
史曰是謂艮之隨三三隨其出也君必速出  
姜曰亡是於周易曰隨元亨利貞無咎元體  
之長也亨嘉之會也利義之和也貞事之幹  
也體仁足以長人嘉德足以合禮利物足以  
和義貞固足以幹事然故不可誣也是以雖

春秋左傳

卷三十

襄公

二十七

晉占婁



隨無咎今我婦人而與於亂固在下位而有  
不仁不可謂元不靖國家不可謂亨作而害  
身不可謂利棄位而姣不可謂貞有四德者  
隨而無咎我皆無之豈隨也哉我則取惡能  
無咎乎必死於此弗得出矣

姣戶  
交反

東宮大子宮也穆姜淫僞如欲廢成公故  
徙居東宮事在成十六年遇艮艮下艮上  
周禮大卜掌三易然則雜用連山歸藏周

易二易皆以七八爲占故言遇艮之八艮  
之隨震下兌上隨史疑占易遇八爲不利  
故更以周易占變爻得隨卦而論之隨其  
出史謂隨非閉固之卦亡猶無也隨元亨  
利貞无咎易筮皆以變者占遇一爻變義  
異則論彖故姜亦以彖爲占也史據周易  
故指言周易以折之不可誣言不誣四德  
乃遇隨無咎明無四德者則爲淫而相隨



非吉事在下位言婦人卑於丈夫姣淫之  
別名我則取惡傳言穆姜辯而不德

秦景公使士雅乞師於楚將以伐晉楚子許  
之子囊曰不可當今吾不能與晉爭晉君類  
能而使之舉不失選官不易方其卿讓於善  
其大夫不失守其士競於教其庶人力於農  
穡商工阜隸不知遷業韓厥老矣知營稟焉  
以為政范匄少於中行偃而上之使佐中軍

韓起少於欒黶而欒黶士魴上之使佐上軍  
魏絳多功以趙武為賢而為之佐君明臣忠  
上讓下競當是時也晉不可敵事之而後可  
君其圖之王曰吾既許之矣雖不及晉必將  
出師秋楚子師于武城以為秦援秦人侵晉  
晉饑弗能報也

雅苦田反中行戶  
郎反厲於斬反

類能謂隨所能舉不欠選謂得所選方猶  
宜也卿讓於善讓勝已者大夫不失守各



任其職士競於教奉上帝命農穡種曰農收  
 曰穡不遷業謂四民不雜知營代將中軍  
 使勾佐中軍偃將上軍鷹魴讓起起佐上  
 軍鷹將下軍魴佐之武新軍將上讓下競  
 謂尊官相讓勞職力競晉饑弗能報為十  
 年晉伐秦傳

冬十月諸侯伐鄭庚午季武子齊崔杼宋皇  
 鄆從荀營士勾門于鄆門衛北宮括曹人邾

人從荀偃韓起門于師之梁滕人薛人從欒  
 黶士魴門于北門杞人邾人從趙武魏絳斬  
 行栗甲戌師于汜令於諸侯曰修器備盛餼  
 糧歸老幼居疾于虎牢肆靑圍鄭鄭人恐乃  
 行成中行獻子曰遂圍之以待楚人之救也  
 而與之戰不然無成知武子曰許之盟而還  
 師以敝楚人吾三分四軍與諸侯之銳以逆  
 來者於我未病楚不能矣猶愈於戰暴骨以



遲不可以爭大勞未艾君子勞心小人勞力  
先王之制也諸侯皆不欲戰乃許鄭成十一  
月己亥同盟于戲鄭服也將盟鄭六卿公子  
駢公子發公子嘉公孫輒公孫蠆公孫舍之  
及其大夫門子皆從鄭伯晉士莊子爲載書  
曰自今日既盟之後鄭國而不唯晉命是聽  
而或有異志者有如此盟公子駢趨進曰天  
禍鄭國使介居二大國之間大國不加德音

而亂以要之使其鬼神不獲歆其禮祀其民  
人不獲享其土利夫婦辛苦墊隘無所底告  
自今日既盟之後鄭國而不唯晉禮與疆可  
以庇民者是從而敢有異志者亦如之苟偃  
曰改載書公孫舍之曰昭大神要言焉若可  
改也大國亦可叛也知武子謂獻子曰我實  
不德而要人以盟豈禮也哉非禮何以主盟  
姑盟而退修德息師而來終必獲鄭何必今



日我之不德民將棄我豈唯鄭若能休和遠

人將至何恃於鄭乃盟而還鄭音專汜音汎

暴蒲卜反艾魚廢反蠱救邁反要一遙反

歆許今反墊丁念反隘於懈反庇必利反

諸侯伐鄭鄭從楚也鄆門鄭城門也魯齊

宋三國從中軍師之梁亦鄭城門衛曹邾

三國從上軍滕薛二國從下軍杞鄭二國

從新軍行栗表道樹師于汜眾軍還聚汜

汜鄭地東汜器備謂兵器戰備餼乾食歸

老幼示將久師居疾虎牢諸侯已取鄭虎

牢故使諸軍疾病息其中肆緩也青過也

不書圍鄭逆服不成圍鄭行成與晉成也

獻子荀偃也恐楚救鄭鄭復屬之敝罷也

三分四軍分四軍為三部來者楚也楚不

能謂晉各一動而楚三來故曰不能愈於

戰謂勝聚戰暴骨不可爭言爭當以謀不

可以暴骨艾息也言當從勞心之勞同盟



于戲鄭服故言同盟駢子駟發子國嘉子  
 孔輒子耳莖子蟠舍之子展門子卿之適  
 子莊子士弱載書盟書如此盟謂如違盟  
 之罰介猶閒也亂以要之謂以兵亂之功  
 強要鄭墊隘猶委頓底至也亦如之亦如  
 此盟改載書子駟亦以所言載於策故欲  
 改之要言要誓以告神乃盟而還遂兩用  
 載書

晉人不得志於鄭以諸侯復伐之十二月癸  
 亥門其三門閏月戊寅濟于陰阪侵鄭次于  
 陰口而還子孔曰晉師可擊也師老而勞且  
 有歸志必大克之子展曰不可阪音反

三門鄆門師之梁北門也癸亥月五日晉  
 果三分其軍各攻一門閏月戊寅以長歷  
 參校上下此年不得有閏月戊寅戊寅是  
 十二月二十日疑閏月當為門五日五字



上與門合為閏則後學者自然轉日為月  
晉人三番四軍更攻鄭門門各五日晉各  
一攻鄭三受敵欲以苦之癸亥去戊寅十  
六日以癸亥始攻攻輒五日凡十五日鄭  
故不服而去明日戊寅濟于陰阪復侵鄭  
外邑陰阪洧津陰口鄭地名不可傳言子  
展能守信

公送晉侯晉侯以公宴于河上問公年季武

子對曰會于沙隨之歲寡君以生晉侯曰十  
二年矣是謂一終一星終也國君十五而生  
子冠而生子禮也君可以冠矣大夫盍為冠  
具武子對曰君冠必以裸享之禮行之以金  
石之樂節之以先君之祧處之今寡君在行  
未可具也請及兄弟之國而假備焉晉侯曰  
諾公還及衛冠于成公之廟假鐘磬焉禮也

冠裸皆古亂  
反祧他彫反

春秋左傳

卷三十

襄公

三十四

晉古婁



沙隨在成十六年一星終謂歲星十二歲  
 而一周天冠成人之服故必冠而後生子  
 裸謂灌鬯酒也享祭先君也以金石節之  
 謂以鐘磬為舉動之節先君之祧諸侯以  
 始祖之廟為祧成公今衛獻公之曾祖從  
 衛所處

楚子伐鄭子駟將及楚平子孔子矯曰與大  
 國盟口血未乾而背之可乎子駟子展曰吾

盟固云唯彊是從今楚師至晉不我救則楚  
 彊矣盟誓之言豈敢背之且要盟無質神弗  
 臨也所臨唯信信者言之瑞也善之主也是  
 故臨之明神不蠲要盟背之可也乃及楚平  
 公子罷戎入盟同盟于中分楚莊夫人卒王  
 未能定鄭而歸罷音皮

楚子伐鄭以與晉成故質主也瑞符也臨  
 之神臨之也蠲潔也中分鄭城中里名罷



戎楚大夫莊夫人共王母

晉侯歸謀所以息民魏絳請施舍輸積聚以  
 貸自公以下苟有積者盡出之國無滯積亦  
 無困人公無禁利亦無貧民所以幣更賓以  
 特牲器用不作車服從給行之期年國乃有  
 節三駕而楚不能與爭積子賜反  
 施舍謂施恩惠舍勞役輸盡也無滯積散  
 在民無困人不匱乏無禁利與民共無貧

民禮讓行幣更不用牲特牲務崇省器用  
 一不作因仍舊車服從給足給事也三駕三  
 與師謂十年師于牛首十一年師于向其  
 秋觀兵于鄭東門自是鄭遂服

春秋左傳註卷第三十終

春秋左傳

卷三十

襄公

三

晉古婁







偃陽姁姓國今彭城傳陽縣也因相會而滅之故曰遂

公至自會

無傳

楚公子貞鄭公孫輒帥師伐宋

晉師伐秦

荀罃不書不親兵也

秋莒人伐我東鄙

公會晉侯宋公衛侯曹伯莒子邾子齊世子

光滕子薛伯杞伯小邾子伐鄭

齊世子光先至於師為盟主所尊故在滕

上

冬盜殺鄭公子騂公子發公孫輒

非國討當兩稱名氏殺者非卿故稱盜以盜為文故不得言其大夫

戊鄭虎牢

春秋左傳

卷三十一

襄公

二

稽古叟



伐鄭諸侯各受晉命戍虎牢不復爲告命  
故獨書魯戍而不敘諸侯

楚公子貞帥師救鄭

公至自伐鄭

無傳

傳十年春會于柤會吳子壽夢也三月癸丑  
齊高厚相大子光以先會諸侯于鍾離不敬  
士莊子曰高子相大子以會諸侯將社稷是

衛而皆不敬棄社稷也其將不免乎夏四月

戊午會于柤

夢莫公反  
相息亮反

壽夢吳子乘大子光先會諸侯謂吳子未  
至先從東道與東諸侯會遇非本期地故  
不書會高厚高固子也癸丑月二十六日  
厚與光俱不敬其將不免爲十九年齊殺  
高厚二十五年弑其君光傳夏四月會于

柤經書春書始行也戊午月一日

春秋左傳卷三十一 襄公 三 晉古婁



晉荀偃士匄請伐偃陽而封宋向戌焉荀營  
曰城小而固勝之不武弗勝爲笑固請丙寅  
圍之弗克孟氏之臣秦董父輦重如役偃陽  
人啓門諸侯之士門焉縣門發郕人紇挾之  
以出門者狄虓彌建大車之輪而蒙之以甲  
以爲櫓左執之右拔戟以成一隊孟獻子曰  
詩所謂有力如虎者也主人縣布董父登之  
及堞而絕之隊則又縣之蘇而復上者三主

人辭焉乃退帶其斷以徇於軍三日諸侯之  
師久於偃陽荀偃士匄請於荀營曰水潦將  
降懼不能歸請班師知伯怒投之以机出於  
其閒曰女成二事而後告余余恐亂命以不  
女違女旣勤君而興諸侯牽帥老夫以至於  
此旣無武守而又欲易余罪曰是實班師不  
然克矣余羸老也可重任乎七日不克必爾  
乎取之五月庚寅荀偃士匄帥卒攻偃陽親



君利

和言

受矢石甲午滅之書曰遂滅偃陽言自會也  
以與向戌向戌辭曰若若猶辱鎮撫宋國而  
以偃陽光啓寡君羣臣安矣其何貺如之若  
專賜臣是臣與諸侯以自封也其何罪大焉  
敢以死請乃予宋公董音謹縣音懸聊側雷  
虎音斯堞音  
牒羸劣危反

封宋向戌以宋常事晉而向戌有賢行故  
欲封之為附庸丙寅四月九日董父孟獻

子家臣步挽重車以從師諸侯之士門焉  
見門開故攻之門者諸侯之士在門內者  
也紇郟邑大夫仲尼父叔梁紇也郟邑魯  
縣東南莖城是也言紇多力抉舉縣門出  
在內者狄虎彌魯人也蒙覆也櫓大楯百  
人為隊詩邶風也主人縣布偃陽人縣布  
以試外勇者辭謂主人嘉其勇故辭謝不  
復縣布徇軍三日帶其斷布以示勇水潦

春秋左傳

卷三十一

襄公

五

晉占婁



將降向夏恐有久雨從丙寅至庚寅二十  
五日故曰久班還也知伯荀罃怒以机投  
之出偃句之閒二事伐偃陽封向戌既成  
改之爲亂命無武守言無武功可執守是  
實班師謂偃句將言爾不可重任言不任  
受女此責必爾取之言當取女以謝不克  
之罪庚寅月四日親受矢石躬在矢石閒  
甲午月八日滅自會言其因會以滅國非

之也何貺如之言見賜之厚無過此

宋公享晉侯於楚邱請以桑林荀罃辭荀偃  
士句曰諸侯宋魯於是觀禮魯有禘樂賓祭  
用之宋以桑林享君不亦可乎舞師題以旌  
夏晉侯懼而退入于房去旌卒享而還及著  
雍疾卜桑林見荀偃士句欲奔請禱焉荀罃  
不可曰我辭禮矣彼則以之猶有鬼神於彼  
加之晉侯有閒以偃陽子歸獻于武宮謂之



夷和

和古

夷俘偃陽妘姓也使周內史選其族嗣納諸

霍人禮也師歸孟獻子以秦董父為右生秦

丕茲事仲尼著都慮反雍於用反見音現

桑林殷天子之樂名荀罃辭謂辭讓之宋

魯于是觀禮宋王者後魯以周公故皆用

天子禮樂故可觀禘樂賓祭用之禘三年

大祭則作四代之樂別祭羣公則用諸侯

樂桑林享君言具天子樂也師樂師也旌

夏大旌也題識也以大旌表識其行列懼

而退以旌夏非常卒見之人心偶有所畏

及著雍疾晉侯疾也著雍晉地卜桑林見

祟見於卜兆欲奔請禱奔走還宋禱謝以

用也鬼神於彼加之言自當加罪於宋閒

疾差也夷俘諱俘中國故謂之夷霍晉邑

內史掌爵祿廢置者使選偃陽宗族賢者

令居霍奉妘姓之祀善不滅姓故曰禮也



春秋

卷三十一

使周史者示有王命董父為右嘉其勇力  
丕茲事仲尼言董父以力相尚子事仲尼  
以德相尚

六月楚子囊鄭子耳伐宋師于訾母庚午圍

宋門于桐門

訾子斯反  
母音無

訾母宋地庚午圍宋不成圍而攻其城門

晉荀罃伐秦報其侵也

侵在九年

衛侯救宋師于襄牛鄭子展曰必伐衛不然  
是不與楚也得罪於晉又得罪於楚國將若  
之何子駟曰國病矣子展曰得罪於二大國  
必亡病不猶愈於亡乎諸大夫皆以為然故  
鄭皇耳帥師侵衛楚令也孫文子卜追之獻  
兆於定姜姜氏問繇曰兆如山陵有夫出征  
而喪其雄姜氏曰征者喪雄禦寇之利也大  
夫圖之衛人追之孫蒯獲鄭皇耳于犬邱

春秋左傳

卷三十一

襄公

八

晉古農



救反蒯  
苦怪反

國病謂師數出疲病也楚命亦兼受楚之  
勅命也皇耳皇戌子繇兆辭蒯孫林父子  
秋七月楚子囊鄭子耳伐我西鄙還圍蕭八  
月丙寅克之九月子耳侵宋北鄙孟獻子曰  
鄭其有災乎師競已甚周猶不堪競況鄭乎  
有災其執政之三士乎

楚鄭伐我於魯無所恥諱而不書其義未

聞蕭宋邑競爭競也周謂天王鄭簡公幼

少子駟子國子耳秉政故知三士任其禍

也為下盜殺三大夫傳

莒人閒諸侯之有事也故伐我東鄙

諸侯有討鄭之事

諸侯伐鄭齊崔杼使大子光先至于師故長

於滕己酉師於牛首

大子宜賓之以上卿而今晉悼以一時之

春秋左傳卷三十一襄公九 稽古樓



宜令在滕侯上故傳從而釋之牛首鄭地  
初子駟與尉止有爭將禦諸侯之師而黜其  
車尉止獲又與之爭子駟抑尉止曰爾車非  
禮也遂弗使獻初子駟為田洫司氏堵氏侯  
氏子師氏皆喪田焉故五族聚羣不逞之人  
因公子之徒以作亂於是子駟當國子國為  
司馬子耳為司空子孔為司徒冬十月戊辰  
尉止司臣侯晉堵女父子師僕帥賊以入晨

攻執政于西宮之朝殺子駟子國子耳劫鄭  
伯以如北宮子孔知之故不死書曰盜言無

大夫焉洫況域反堵了古反

禦諸侯之師禦牛首師也黜滅損獲獲囚  
俘爾車非禮言女車猶多過制遂弗使獻  
不使獻所獲洫田畔溝也子駟為田洫以  
正封疆而侵四族田五族聚以作亂八年  
子駟所殺公子嬰等之黨當國攝君事也



西宮公宮于孔公子嘉也知難不告利得  
其處也為十九年殺公子嘉傳尉止等五  
人皆士也大夫謂卿

子西聞盜不做而出尸而追盜盜入於北宮  
乃歸授甲臣妾多逃器用多喪子產聞盜為  
門者庀羣司閉府庫慎閉藏完守備成列而  
後出兵車十七乘尸而攻盜於北宮子矯帥  
國人助之殺尉止子師僕盜眾盡死侯晉奔

晉堵女父司臣尉翩司齊奔宋庀匹婢反才浪反翩音

子西公孫夏子駟子尸而追盜先臨尸而  
追盜子產于國子為門者謂置守門庀羣  
司謂具眾官兵車十七乘千二百七十五  
人尉翩尉止子司齊司臣子

子孔當國為載書以位序聽政辟大夫諸司  
門子弗順將誅之子產止之請為之焚書子

春秋左傳 卷三十一 襄公 十一 晉古婁



孔不可曰爲書以定國眾怒而焚之是眾爲  
政也國不亦難乎子產曰眾怒難犯專欲難  
成合二難以安國危之道也不如焚書以安  
眾子得所欲眾亦得安不亦可乎專欲無成  
犯眾興禍子必從之乃焚書於倉門之外眾  
而後定辟婢亦反

子孔當國代子駟爲載書以位序自羣卿  
諸司各守其職位以受執政之法不得與

朝政將誅之子孔欲誅不順者子產既止  
子孔又勸令燒除載書國難謂難以至治  
所欲欲爲政也焚書倉門之外不於朝內  
燒欲使遠近見所燒

諸侯之師城虎牢而戍之晉師城梧及制士  
魴魏絳戍之書曰戍鄭虎牢非鄭地也言將  
歸焉鄭及晉平

城虎牢梧制欲以偪鄭也不書城魯不與



也梧制皆鄭舊地二年晉城虎牢而居之  
今鄭復叛故修其城而置戍鄭服則欲以  
還鄭故夫子追書繫之于鄭以見晉志

楚子囊救鄭十一月諸侯之師還鄭而南至  
於陽陵楚師不退知武子欲退曰今我逃楚  
楚必驕驕則可與戰矣欒黶曰逃楚晉之恥  
也合諸侯以益恥不如死我將獨進師遂進  
己亥與楚師夾潁而軍子蟜曰諸侯既有成

行必不戰矣從之將退不從亦退退楚必圍  
我猶將退也不如從楚亦以退之宵涉潁與  
楚人盟欒黶欲伐鄭師荀罃不可曰我實不  
能禦楚又不能庇鄭鄭何罪不如致怨焉而  
還今伐其師楚必救之戰而不克為諸侯笑  
克不可命不如還也丁未諸侯之師還侵鄭  
北鄙而歸楚人亦還還鄭亦作環

還繞也陽陵鄭地武子荀罃潁水出城陽



至下蔡入淮諸侯有成行言有成去之志  
從猶服也亦以退之謂亦以退楚宵涉夜  
渡畏晉知之欲伐鄭師伐涉潁者致怨爲  
後伐之資克不可命謂勝負難要不可命  
以必克侵鄭而歸欲以致怨楚人亦還鄭  
服故也

王叔陳生與伯輿爭政王右伯輿王叔陳生  
怒而出奔及河王復之殺史狡以說焉不入

遂處之晉侯使士匄平王室王叔與伯輿訟  
焉王叔之宰與伯輿之大夫瑕禽坐獄於王  
庭士匄聽之王叔之宰曰筆門閨竇之人而  
皆陵其上其難爲上矣瑕禽曰昔平王東遷  
吾七姓從王牲用備具王賴之而賜之駢旄  
之盟曰世世無失職若筆門閨竇其能來東  
庭乎且王何賴焉今自王叔之相也政以賄  
成而刑放於寵官之師旅不勝其富吾能無



籩門闔竇乎唯大國圖之下而無直則何謂  
正矣范宣子曰天子所右寡君亦右之所左  
亦左之使王叔氏與伯輿合要王叔氏不能  
舉其契王叔奔晉不書不告也單靖公爲卿  
士以相王室

狡古卯反籩音必竇音  
豆駢息營反底音旨

王叔伯輿二子王卿士右助也及河欲奔  
晉說說王叔也處之謂處叔河上訟爭曲  
直宰家臣瑕禽伯輿屬大夫獄訟也周禮

命夫命婦不躬坐獄訟故使宰與屬大夫  
對爭曲直籩門柴門闔竇小戶穿壁爲戶  
上銳下方狀如圭也言伯輿微賤之家駢  
旄之盟以平王徙時大臣從者有七姓伯  
輿之祖皆在其中主爲王備犧牲共祭祀  
王恃其用故與之盟使世守其職駢旄赤  
牛也舉駢旄者言得重盟不以犬雞且言  
我若貧賤何能來東使王恃其用而與之



盟邪底至也政以賄成謂隨財制政刑放於寵謂寵臣專刑不任法師旅之長皆受賂故不勝其富王叔之屬富故使吾貧圖猶議也正者不失下之直天子所右亦右左亦左宣子知伯輿直不欲自專故推之於王合要合要辭契要契之辭單靖公爲卿士代王叔

經十有一年春王正月作三軍

增立甲軍萬二千五百人爲軍

夏四月四卜郊不從乃不郊

無傳

鄭公孫舍之帥師侵宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭

世子光至復在莒子之先故晉悼亦進之

秋七月己未同盟于亳城北

亳蒲洛反

春秋左傳

卷三十一

襄公

十六

信古婁



亳城鄭地伐鄭而書同盟鄭與盟可知

公至自伐鄭

無傳

楚子鄭伯伐宋

公會晉侯宋公衛侯曹伯齊世子光莒子邾

子滕子薛伯杞伯小邾子伐鄭

晉遂尊光

會于蕭魚

鄭服而諸侯會蕭魚鄭地

公至自會

無傳以會至者觀兵而不果侵伐

楚人執鄭行人良霄

良霄公孫輒子伯有也

冬秦人伐晉

傳十一年春季武子將作三軍告叔孫穆子

曰請為三軍各征其軍穆子曰政將及子子

齊火左傳卷三十一襄公十七晉古婁



必不能武子固請之穆子曰然則盟諸乃盟  
諸僖閔詛諸五父之衢正月作三軍三分公  
室而各有其一三子各毀其乘季氏使其乘  
之人以其役邑入者無征不入者倍征孟氏  
使半爲臣若子若弟叔孫氏使盡爲臣不然  
不舍音甫乘去聲舍音捨闕音宏詛側慮反父

魯本無中軍唯上下二軍皆屬於公有事  
三卿更帥以征伐季氏欲專其民人故假

立中軍因以改作征賦稅也三家各征其  
軍之家屬政者霸國之政令禮大國三軍  
魯次國而爲大國之制貢賦必重故憂不  
能堪穆子知季氏將復變易故盟之僖閔  
僖宮之門五父衢道名在魯國東南詛以  
禍福之言相要三分公室三分國民眾毀  
其乘謂壞其車乘分以足成三軍季氏使  
軍乘之人率其邑役入季氏者無公征不



入季氏者則使公家倍征之設利病欲驅  
使入己故昭五年傳曰季氏盡征之民辟  
倍征故盡屬季氏孟氏使半爲臣取其子  
弟之半也四分其乘之人以三歸公而取  
其一叔孫使盡爲臣盡取子弟以其父兄  
歸公不然不舍謂制軍分民不如是則三  
家不舍其故而改作也此蓋三家盟詛之  
本言

鄭人患晉楚之故諸大夫曰不從晉國幾亡  
楚弱於晉晉不吾疾也晉疾楚將辟之何爲  
而使晉師致死於我楚弗敢敵而後可固與  
也子展曰與宋爲惡諸侯必至吾從之盟楚  
師至吾又從之則晉怒甚矣晉能驟來楚將  
不能吾乃固與晉大夫說之使疆場之司惡  
於宋宋向戌侵鄭大獲子展曰師而伐宋可  
矣若我伐宋諸侯之伐我必疾吾乃聽命焉



且告於楚楚師至吾又與之盟而重賂晉師

乃免矣夏鄭子展侵宋

幾音機說音悅

幾近也疾急也何為言當作何計固與晉

也使惡於宋使守疆場之侵侵犯宋聽命

諸侯且與楚盟而賂晉師言如此乃免於

晉楚之難子展侵宋欲以致諸侯

四月諸侯伐鄭己亥齊太子光宋向戌先至

于鄭門于東門其莫晉荀罃至于西郊東侵

舊許衛孫林父侵其北鄙六月諸侯會于北

林師于向右還次于瑣圍鄭觀兵于南門西

濟于濟隧鄭人懼乃行成秋七月同盟于亳

范宣子曰不慎必失諸侯諸侯道敝而無成

能無貳乎乃盟載書曰凡我同盟毋蕪年毋

壅利毋保姦毋留慝救災恤禍亂同好惡

獎王室或閒茲命司慎司盟名山名川羣神

羣祀先王先公七姓十二國之祖明神殛之

春秋左傳

卷三十一

襄公

二十

晉古婁



俾失其民隊命亡氏踣其國家

莫音暮瑣素果反濟隧濟

子禮反隧音遂蘊紆粉反閒去聲

殛紀力反隊直類反踣蒲北反

傳釋齊太子光所以序莒上也向戌不書

宋公在會故舊許許之舊國鄭新邑向地

在潁川長社縣東北右還次于瑣北行而

西為右還滎陽宛陵縣西有瑣侯亭觀示

也濟隧水名慎敬威儀謹辭令諸侯道敝

謂數伐鄭皆罷於道路蘊積年穀而不分

災壅利專山川之利保姦藏罪人毋畱慝

速去惡獎助也二司天神羣祀在祀典者

先王諸侯之大祖宋祖帝乙鄭祖厲王之

比也先公始封君七姓晉魯衛鄭曹滕姬

姓邾小邾曹姓宋子姓齊姜姓莒己姓杞

姒姓薛任姓實十三國言十二誤也殛誅

也踣斃也

楚子囊乞旅于秦秦右大夫詹帥師從楚子

春秋左傳

卷三十一

襄公

三

晉古婁



將以伐鄭鄭伯逆之丙子伐宋

乞旅乞師旅於秦鄭逆服故更伐宋也秦

師不書不與伐宋而還

九月諸侯悉師以復伐鄭鄭人使良霄大宰石奐如楚告將服于晉曰孤以社稷之故不能懷君君若能以玉帛綏晉不然則武震以攝威之孤之願也楚人執之書曰行人言使人也

復扶又反奐救畧反使所吏反

此夏諸侯皆復來故曰悉師書行人言非使人之罪古者兵交使在其閒所以通命示整或執殺之皆以為譏也既成而後告故書在蕭魚下石奐為介故不書

諸侯之師觀兵于鄭東門鄭人使王子伯駢行成甲戌晉趙武入盟鄭伯冬十月丁亥鄭子展出盟晉侯十二月戊寅會于蕭魚庚辰赦鄭囚皆禮而歸之納斥侯禁侵掠晉侯使

春秋左傳

卷三十一

襄公

三

晉古婁



春秋

卷三十一

叔矜告于諸侯公使臧孫紇對曰凡我同盟

小國有罪大國致討苟有以藉手鮮不赦宥

寡君聞命矣

斥音尺掠音亮矜許乙反藉在夜反

晉鄭二盟不書不告十二月會于蕭魚經

書秋史失之納斥候不相備也叔矜叔向

也告諸侯亦使赦鄭囚苟有藉手鮮不赦

宥言晉討小國有藉手之功則赦其罪人

德義如是不敢不承命

鄭人賂晉侯以師慳師觸師蠲廣車輶車淳

十五乘甲兵備凡兵車百乘歌鐘二肆及其

罍磬女樂二八晉侯以樂之半賜魏絳曰子

教寡人和諸戎狄以正諸華八年之中九合

諸侯如樂之和無所不諧請與子樂之辭曰

夫和戎狄國之福也八年之中九合諸侯諸

侯無慝君之靈也二三子之勞也臣何力之

有焉抑臣願君安其樂而思其終也詩云樂

左傳

卷三十一

襄公

三

晉古樓



春和  
旨君子殿天子之邦樂旨君子福祿攸同便  
蕃左右亦是帥從夫樂以安德義以處之禮  
以行之信以守之仁以厲之而後可以殿邦  
國同福祿來遠人所謂樂也書曰居安思危  
思則有備有備無患敢以此規公曰子之教  
敢不承命抑微子寡人無以待戎不能濟河  
夫賞國之典也藏在盟府不可廢也子其受  
之魏絳於是乎始有金石之樂禮也  
懼苦同反鐻古

懸反廣古曠反軌徒温反子樂音洛下皆同鐻音博殿都遍反便平聲

惺觸鐻皆樂師名廣車軌車皆兵車名淳  
耦也凡他兵車及廣軌共百乘肆列也縣  
鐘十六爲一肆二肆三十二枚鐻磬皆樂  
名二八十六人和戎狄正諸夏在四年諧  
亦和也九合諸侯謂五年會戚又會城棣  
救陳七年會鄆八年會邗邱九年盟于戲  
十年會祖又伐鄭成虎牢十一年同盟亳

春秋左傳

卷三十一

襄公

二

晉古樓



城北又會蕭魚與子樂之謂共此樂詩小雅也謂諸侯有樂美之德可以鎮撫天子之邦殿鎮也攸所也便蕃數也言遠人相帥來服從便蕃然在左右安德和其心也義以處之處位以義禮以行行教令信以守守所行仁以厲厲風俗所謂樂言五德皆備乃為樂非但金石書逸書規正公待戎待遇接納濟河渡河南服鄭盟府司盟

之府有賞功之制禮大夫有功則賜樂

秦庶長鮑庶長武帥師伐晉以救鄭鮑先入

晉地士魴御之少秦師而弗設備壬午武濟

自輔氏與鮑交代晉師己丑秦晉戰于櫟晉

師敗績易秦故也長丁丈反鮑步卯反櫟力的反易以鼓反

喪長秦爵也不書救鄭己屬晉無所救濟

自輔氏從輔氏渡河不書敗績晉恥易秦

而敗故不告也櫟晉地



經十有二年春王二月莒人伐我東鄙圍台

台救才反

琅邪費縣南有台亭

季孫宿帥師救台遂入鄆鄆音

鄆莒邑

夏晉侯使士魴來聘

秋九月吳子乘卒

五年會於戚公不與盟而赴以名

冬楚公子貞帥師侵宋

公如晉

傳十二年春莒人伐我東鄙圍台季武子救

台遂入鄆取其鐘以為公盤

乘勝入鄆報見伐

夏晉士魴來聘且拜師

謝前年伐鄭師

秋吳子壽夢卒臨於周廟禮也凡諸侯之喪

春秋左傳卷三十一襄公二十六年稽古樓



異姓臨於外同姓於宗廟同宗於祖廟同族

於禰廟是故魯為諸姬臨於周廟為邶凡蔣

茅胙祭臨於周公之廟臨力蔭反禰乃禮反邶音刑胙才故反祭

側界反

壽夢吳子之號周廟文王廟也周公出文

王故魯立其廟吳始通故曰禮臨於外於

城外向其國宗廟所出王之廟祖廟始封

君之廟禰父廟也同族謂高祖以下諸姬

同姓國周公之廟即祖廟也六國皆周公

之支子別封為國共祖周公

冬楚子囊秦庶長無地伐宋師于楊梁以報

晉之取鄭也

取鄭在前年梁國睢陽縣東有地名楊梁

靈王求后于齊齊侯問對於晏桓子桓子對

曰先王之禮辭有之天子求后於諸侯諸侯

對曰夫婦所生若而人妾婦之子若而人無

春秋左傳卷三十一襄公二十



禮記

卷三十一

女而有姊妹及姑姊妹則曰先守某公之遺

女若而人齊侯許昏王使陰里結之守手又反

天子求后諸侯不敢舉亦不敢毀故曰若

如人妾婦之子言非適也陰里周大夫結

成也王使結之為十五年劉夏逆王后傳

公如晉朝且拜士魴之辱禮也

士魴聘在此年夏嫌君臣不敵故曰禮也

秦嬴歸于楚楚司馬子庚聘于秦為夫人寧

禮也嬴音盈

秦嬴秦景公妹為楚共王夫人子庚莊王

子午也諸侯夫人父母既沒歸寧使卿故

曰禮

春秋左傳註卷第三十一終

春秋左傳


卷三十一

襄公

天

晉古婁





三

和



